

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - prečišćeni tekst), kao i na osnovu člana 8. stav 1. Odluke o načinu sticanja statusa udruženja i fondacija od posebnog značaja za Grad Sarajevo ("Službene novine Kantona Sarajevo", broj 51/21), Gradsko vijeće Grada Sarajeva, na 12. sjednici održanoj dana 23.02.2022. godine, donijelo je

**ODLUKU
O UTVRĐIVANJU POSEBNOG ZNAČAJA ZA GRAD
SARAJEVO ZA UDRUŽENJE "SAVEZ UDRUŽENJA
ANTIFAŠISTA I BORACA
NARODNOOSLOBODILAČKOG RATA U KANTONU
SARAJEVO"**

Član 1.
(Predmet Odluke)

Ovom Odlukom utvrđuje se da je Udruženje "Savez udruženja antifašista i boraca Narodnooslobodilačkog rata u Kantonu Sarajevo, (u daljnjem tekstu: "SABNOR u KS") od posebnog značaja za Grad Sarajevo, kao organizacija koja svojim djelovanjem doprinosi: njegovanju kulturno-historijskog naslijeđa, jačanju tolerancije te svojim aktivnostima djeluje u interesu građana, posebno mladih.

Član 2.

(Iznos sredstava i period finansiranja)

Djelatnosti Udruženja "SABNOR u KS" se sufinansiraju iz sredstava budžeta Grada Sarajeva u iznosu od 5.000 KM (pet hiljada KM), tokom više budžetskih godina, dok ispunjava opće i posebne uslove za sticanje statusa posebnog značaja za Grad Sarajevo, odnosno do prestanka statusa, u skladu sa Odlukom o načinu sticanja statusa udruženja i fondacija od posebnog značaja za Grad Sarajevo.

Član 3.

(Nadzor)

Nadzor nad provedbom Odluke vrši gradonačelnik/ca Grada Sarajeva, putem nadležne Službe.

Član 4.

(Izmjene i dopune)

Izmjene i dopune Odluke vrše se na način i po postupku za njeno donošenje.

Član 5.

(Stupanje na snagu)

Odluka stupa na snagu narednog dana od dana objavljivanja u "Službenim novinama Kantona Sarajevo"

Broj 01-GV-02-326/22
23. februara 2022. godine
Sarajevo

Predsjedavajući
Gradskog vijeća
Jasmin Ademović, s. r.

GRAD SARAJEVO

Gradonačelnik

U skladu sa Zakonom o budžetima u Federaciji Bosne i Hercegovine ("Službene novine Federacije BiH", br. 102/13, 9/14, 13/14, 8/15, 9/15 i 102/15, 104/16 i 5/18, 11/19, 99/19), Ukaz o proglašenju zakona o izvršavanju budžeta FBiH za 2021. godinu ("Službene novine Federacije BiH", br. 4/21) Pravilnikom o utvrđivanju i načinu vođenja Registra budžetskih korisnika budžeta u Federaciji Bosne i Hercegovine ("Službene novine Federacije BiH", broj 30/2014), uspostavlja se

**REGISTAR
BUDŽETSKIH KORISNIKA GRADA SARAJEVA ZA
2022. GODINU**

Redni broj budžetskog korisnika iz Registra (RBK broj)	Naziv budžetskog korisnika	Identifikacioni broj ID broj	Adresa budžetskog korisnika
1	5	9	10
00001	GRAD SARAJEVO	200295100005	Hamdije Kreševljakovića br. 3

Broj 06-11-88/22
21. februara 2022. godine
Sarajevo

Gradonačelnica
Grada Sarajeva
Doc. dr. Benjamin Karić, s. r.

OPĆINA CENTAR

Općinski načelnik

Na osnovu člana 69. Statuta Općine Centar Sarajevo - Prečišćen tekst ("Službene novine Kantona Sarajevo", broj 23/04) i čl. 24. i 26. Odluke o izvršavanju Budžeta Općine Centar Sarajevo za 2022. godinu ("Službene novine Kantona Sarajevo", broj 05/22), a u skladu sa Odlukom o utvrđivanju kriterija za korištenje sredstava tekuće rezerve (broj 10-49-2195/15 od 15.11.2015), Općinski načelnik donosi

ZAKLJUČAK

Raspoređuju se sredstva tekuće rezerve Budžeta Općine Centar Sarajevo za 2022. godinu u iznosu od 1.000,00 KM Medijskom centru Vrhbosanske nadbiskupije na ekonomski kod 614300, funkciju 0860, fond 012, projekt TP8-2 za pripremu i izdavanje Katoličkog tjednika, povodom 100. obljetnice postojanja.

Transfer sredstava će se vršiti na račun Medijskog Centra broj 1549995000358880 otvoren kod Intesa Sanpaolo banke.

Korisnici sredstava Budžeta za 2022. godinu obavezni su u roku od mjesec dana po utrošku sredstava dostaviti Službi za obrazovanje, društvene djelatnosti, kulturu i sport izvještaj sa dokumentacijom o namjenskom utrošku sredstava, najkasnije do 31.12.2022. godine. Ukoliko sredstva budu nenamjenski utrošena ili Udruženje ne dostavi izvještaj sa pratećom relevantnom dokumentacijom o namjenskom utrošku sredstava, isto se obavezuje izvršiti povrat nenamjenski utrošenih ili neiskorištenih sredstava Općini u roku od 7 (sedam) dana od zaprimanja zahtjeva Općine za povrat istih.

Zadužuje se Služba za finansije Općine Centar Sarajevo za finansijsku realizaciju ovog Zaključka.

Zaključak o rasporedu tekuće rezerve stupa na snagu danom potpisivanja, objavit će se u "Službenim novinama Kantona Sarajevo".

Broj 13-11-1614/22
22. februara 2022. godine
Sarajevo

Općinski načelnik
Srđan Mandić, s. r.